





卷之八

西吳梅永軒稿正

東心呂適昌校閱

西吳梅永軒

古樂苑卷第八

西吳 梅鼎祚 補正

東越 呂胤昌 校閱

鼓吹曲辭

鼓吹曲一曰短簫鏡歌劉瓛定軍禮曰鼓吹未知其始也漢班壹雄朔野而有之矣鳴笳以和簫聲非八音也騷人云鳴篴吹竽是也宋書樂志曰鼓吹蓋短簫鏡歌蔡邕曰軍樂也黃帝岐伯所作以揚德建武勸士諷敵也周官曰師有功則愷樂左傳曰晉文公勝楚振旅凱而入司馬法曰得意則愷樂愷歌雍門周說孟嘗君鼓吹于不測之淵說者云鼓自一物吹自竽籥之屬非簫鼓合奏別爲一樂之名也然則短簫鏡歌此時未名鼓吹矣應劭漢鹵簿圖惟有騎執籥籥卽笳不云鼓吹而漢世有黃門鼓吹漢享宴食舉樂十三曲與魏世鼓吹長簫同長簫短簫伎錄竝云絲竹合作執節者



歌又建初錄云務成黃爵玄雲遠期皆騎吹曲非
鼓吹曲此則列於殿庭者爲鼓吹今之從行鼓吹
爲騎吹二曲異也又孫權觀魏武軍作鼓吹而還
此又應是今之鼓吹魏晉世又假諸將帥及牙門
曲蓋鼓吹斯則其時謂之鼓吹矣魏晉世給鼓吹
甚輕牙門督將五校悉有鼓吹晉江左初臨川太
守謝朓每寢輒夢聞鼓吹有人爲其占之曰君不
得生鼓吹當得死鼓吹爾朓擊杜弢戰沒追贈長
水校尉葬給鼓吹焉謝尚爲江夏太守詣安西將
軍庾翼於武昌咨事翼與尚射曰卿若破的當以
鼓吹相賞尚射破的便以其副鼓吹給之今則甚
重矣西京襍記曰漢大駕祠甘泉汾陰備千乘萬
騎有黃門前後部鼓吹則不獨列於殿庭者名鼓
吹也漢遠如期曲辭有雅樂陳及增壽萬年等語
無馬上奏樂之意則遠期又非騎吹曲也晉中興
書曰漢武帝時南越加置交趾九真日南合浦南
海鬱林蒼梧七郡皆假鼓吹麾幢則短簫鐃歌漢時已名
班超拜長史假鼓吹麾幢則短簫鐃歌漢時已名
鼓吹不自魏晉始也崔豹古今註曰漢樂有黃門
鼓吹天子所以宴樂羣臣也短簫鐃歌鼓吹之一

章爾亦以賜有功諸侯齊武帝時壽昌殿南閣置
白鷺鼓吹二曲以爲宴樂隋志陳後主常遣宮女
習北方簫鼓調之代北酒酣則奏之此又施於燕
私矣古今樂錄有梁陳時宮懸圖四隅各有鼓吹
樓而無建鼓鼓吹樓者昔蕭史吹簫於秦秦人爲
之築鳳臺故鼓吹陸則樓車水則樓船其在庭則
以簏簾爲樓也梁又有鼓吹熊羆十二按其樂器
有龍頭大桐鼓中鼓獨揭小鼓亦隨品秩給賜焉
周武帝每元正大會以梁按架列於懸間與正樂
合奏隨又於按下設熊羆獬豸騰倚承之以象百
獸之舞楊慎升菴詞品曰鼓吹曲其昉黃帝記里
鼓之制乎後世有鼓吹騎吹雲吹之名建初錄云
列於殿廷者名鼓吹列於行駕者名騎吹又云鼓
吹陸則樓車水則樓船其在庭則以簏簾爲樓水
行則謂之雲吹朱鷺臨高臺諸篇則鼓吹曲務成
黃爵則騎吹曲水調河傳則雲吹曲宋之問詩稍
看朱鷺轉尚識紫駟驕此言鼓吹也謝朓詩鳴笳
翼高蓋疊鼓送華輶此言騎吹也梁簡文詩廣水
浮雲吹江風引夜衣此言雲吹也郭茂倩左克明
竝曰鼓吹短簫鏡歌與橫吹曲得通名鼓吹但所

用異耳

漢有朱鷺等二十二曲列於鼓吹謂之饒歌及魏受命使繆襲改其十二曲而君馬黃雉子班聖人出臨高臺遠如期石留務成玄雲黃爵釣竿十曲竝仍舊名是時吳亦使韋昭改製十二曲其十曲亦因之而魏吳歌辭存者唯十二曲餘皆不傳晉武帝受禪命傅玄製二十二曲而玄雲釣竿之名不改舊漢宋齊竝用漢曲又充庭十六曲梁高祖乃去其四留其十二更制新歌合四時也北齊二十曲皆改古名其黃爵釣竿畧而不用後周憲帝革前代鼓吹制為十五曲竝述功德受命以相代隋制列鼓吹為四部

漢饒歌

漢鼓吹饒歌十八曲一曰朱鷺二曰思悲翁三曰艾如張四曰上之回五曰擁離六曰戰城南七曰巫山高八曰上陵九曰將進酒十曰君馬黃十一曰芳樹十二曰有所思十三曰雉子班

十四曰聖人出十五曰上邪十六曰臨高臺十七曰遠如期十八曰石留又有務成玄雲黃爵釣竿亦漢曲也其辭亡或云漢鏡歌二十二無釣竿古今樂錄曰漢鏡歌皆聲辭艷相襍不復可分沈約云樂人以音聲相傳訓詁不可復解凡古樂錄皆大字是辭細字是聲聲辭合寫故致然耳藝苑卮言曰鏡歌中有難解及迫詰屈曲者如絲如魚乎悲矣堯羊蜚從王孫行之類或謂有缺文斷簡妃呼稀收中吾之類或謂曲調之遺聲或謂兼正辭填調大小混錄至有直以爲不足觀者巫山高芝爲車非三言之始乎臨高臺以軒桂樹雙珠青絲玳瑁非五言之神足乎駕六飛龍四時和江有香草目以蘭黃鵠高飛離哉翻非七言之妙境乎其誤處旣不能曉佳處又不能識以爲不足觀宜也

朱鷺

隋書樂志曰建鼓殿所作又棲翔鷺於其上不知何代所加或曰鵠也取其聲揚而

遠聞也或曰鷺鼓精也或曰皆非也詩云振振鷺鷺于飛鼓咽咽醉言歸言古之君子悲

周道之哀頌聲之息飾鼓以鷺存其風流孔
穎達曰楚威王時有朱鷺合沓飛翔而來舞
舊鼓吹朱鷺曲是也漢曲蓋因飾鼓以鷺而
名曲焉丹鉛續錄曰朱鷺曲解云因飾鼓以
鷺而名曲又云朱鷺呪鼓飛於雲末徐陵詩
有是鍾鷺鼓之句宋之問詩稍看朱鷺轉尚
識紫駟驕皆用此事蓋鷺色本白漢初有朱
鷺之瑞故以鷺形飾鼓又以朱鷺名鼓吹曲
也梁元帝放生池碑云玄龜夜夢終見取於
宋王朱鷺晨飛尚張羅於漢后與朱鷺飛雲
末事相叶可以證
補樂府解題之缺

古辭

朱鷺魚以鳥路訾邪鷺何食食茄下不之食不以吐將

以問誅者

誅一作諫升菴詩話曰朱鷺魚以鳥鷺何食食茄下鳥古與雅同叶音作雅蓋古字鳥也

鴉也雅也本一字也雅與下相叶始得其音魚以雅者言朱鷺之威儀魚魚雅雅也韓文元和聖德詩魚魚雅雅本此丹鉛四錄曰茄音荷玄中記黃帝之臣有荆茄豐左傳注楚有茄人城張揖音荷藝苑卮言曰鳥轉爲

鴉鴉轉為雅茄
下當作荷莖

思悲翁

思悲翁唐思奪我美人侵以遇悲翁也但我思蓬首狗

逐狡兔食交君梟子五梟母六拉查高飛暮安宿

首一作最

艾如張

艾與刈同說文云艾草也如讀為而穀梁傳曰艾蘭以為防置旗以為轅門謂因蒐狩以習武事也蘭香草也言艾草以為田之大防是也

艾而張羅夷於何行成之四時和山出黃雀亦有羅雀
以高飛奈雀何為此倚欲誰肯磔室

上之回

漢書曰孝武十四年匈奴入朝那蕭關遂至彭陽使騎兵入燒回中宮候騎至

雍甘泉回中地在安定其中有宮也武帝紀元封四年冬十月行幸雍祠五時通回中道

遂北出蕭關吳兢樂府解題曰漢武通回中
道後數出遊幸焉沈建廣題曰漢曲皆美當
時之事按石關宮關名近甘泉宮
相如上林賦歷石關歷封巒是也

上之回所中益夏將至行將北以承甘泉宮寒暑德游
石關望諸國月支臣匈奴服今從百官疾驅馳千秋萬
歲樂無極

翁離

一曰擁離
又曰雍離

攤離趾中可築室何用葺之蕙用蘭攤離趾中

戰城南

戰城南。死郭北。野死不葬烏可食。爲我謂烏。且爲客豪。
野死諒不葬。腐肉安能去子逃。水深激激。蒲葦冥冥。梟

騎戰鬪死。駑馬裴回鳴。梁築室。何以南。梁河北。禾黍不
穫。君何食。願為忠臣安。可得思子良。臣良臣誠。可思朝
行出攻。暮不夜歸。不獲宋書

太白云野戰格鬥死敗馬嘶鳴向天悲自是唐人語讀
象騎十字何等簡勁不段思良臣懷胸收之意也

巫山高

樂府解題曰古辭言江淮水深無梁可
度臨水遠望思歸而已又有演巫山高

不詳
所起

巫山高高以大淮水深難以逝。我欲東歸。害梁不為我
集。無高曳水何梁。湯湯回回臨水。遠望泣下。霑衣遠道
之人心。思歸謂之何。

上陵

古今樂錄曰漢章帝元和中。有宗廟食舉
六曲加重。來上陵二曲。為上陵食舉。後漢

書禮儀志曰正月上丁祠南郊。次北郊。明堂
高廟。世祖廟。謂之五供。禮畢。以次上陵。西都

舊有上陵東都之儀太宮上食太常樂奏食舉古辭大畧言神仙事不知與食舉曲同否

上陵何美美下津風以寒問客從何來言從水中央桂樹爲君船青絲爲君竿木蘭爲君櫂黃金錯其間滄海之雀赤翅鴻白鴈隨山林乍開乍合曾不知日月明醴泉之水光澤何蔚蔚芝爲車龍爲馬覽遨遊四海外甘露初二年芝生銅池中仙人下來飲延壽千萬歲

將進酒

樂府解題曰古辭將進酒乘大白大畧以飲酒放歌爲言

將進酒樂大白辨加哉詩審博放故歌心所作同陰氣詩悉索使禹良工觀者苦

加一作佳博宋書作博託曰不學博係不能安詩博爲是

君馬黃

君馬黃臣馬蒼二馬同逐臣馬良易之有驪蔡有赭美人歸以南駕車馳馬美人安終極

芳樹

芳樹日月君亂如於風芳樹不上無心溫而鵠三而爲行臨蘭池心中懷我悵心不可匡目不可顧妬人之子愁殺人君有他心樂不可禁王將何以如孫如魚乎悲矣

愁宋書作悲以一作似

有所思

古今樂錄漢太樂食舉第七曲亦用之不知與此同否

有所思乃在大海南何用問遺君雙珠璫用玉紹

繚之聞君有它心。拉雜摧燒之。摧燒之。當風揚其灰。從
今已往。勿復相思。相思與君絕。雞鳴狗吠。兄嫂當知之。
妃呼豨。秋風蕭蕭晨風颼。東方須臾高知之。
妃呼豨伊阿那諸語本
自亡義但補樂中之音
怨而怒笑然怨之切正望之深末段餘情無盡
此亦人臣思君而託言者也雞鳴二句即野有死麕章意
樂府中有

雉子班

雉子斑如此之干雉。梁無以吾翁孺。雉子知得雉子高。
蜚止黃鵠蜚之以重王。可思雄來蜚從雌。視子趨一雉。
雉子車大駕馬。滕被王送行所中。亮羊蜚從王孫行。

聖人出

聖人出陰陽。和美人出遊九河。佳人來駢離。哉何駕六。

飛龍四時和君之臣明護不道美人哉宜天子免甘星
筮樂甫始美人子含四海

上邪一作雅

上邪我欲與君相知長命無絕哀山無陵江水爲竭冬
雷震震夏雨雪天地合乃敢與君絕

山無陵下共五事重疊言之而不見其排
何筆力之橫也

臨高臺

臨高臺以軒下有清水清且寒江有香草日以蘭黃鵠
高飛離哉翻關弓射鵠令我主壽萬年收中吾

劉履云
收中吾

二字其義未詳疑曲調之餘聲如
樂錄所謂羊無夷伊那阿之類

遠如期

一曰遠期宋書樂志有晚芝曲沈約言
舊史云詒不可解疑是漢遠期曲也古

今樂錄云漢太樂食舉
曲有遠期至魏省之

遠如期益如壽處天左側大樂萬歲與天無極雅樂陳
佳哉紛單于自歸動如驚心虞心大佳萬人還來謁者
引鄉殿陳累世未嘗聞之增壽萬年亦誠哉

石流

宋書作石留以上
宋書並有曲字

石流涼陽涼石水流爲沙錫以微河爲香向始蘇冷將
風陽北逝肯無敢與于揚心邪懷蘭志金安薄北方開
留離蘭

古樂苑卷第八

終

古樂苑卷第九

西吳 梅鼎祚 補正

東越 呂胤昌 校閱

鼓吹曲辭二

擬漢饒歌

朱鷺

梁王僧孺

因風弄玉水映日上金堤猶持畏羅繳未得異鳬鷺聞
君愛白雉兼因重碧雞未能聲似鳳聊變色如珪願識
昆明路乘流飲復棲

同前

裴憲伯

集
卷九
秋來懼寒勁歲去畏冰堅羣飛向葭下奮羽欲南遷暫
戲龍池側時往鳳樓前所歎恩光歇不得久聯翩

同前

陳後主

參差蒲未齊沈漾若浮綠朱鷺戲蘋藻徘徊流澗曲澗
曲多巖樹逶迤復斷續振振雖以明湯湯今又矚

同前

張正見

金堤有朱鷺刷羽望滄瀛周詩振雅曲漢鼓發奇聲時
將赤鴈竝乍逐彩鸞行別有翻潮處異色不相驚

同前

蘇子卿

玉山一朱鷺容與入王畿欲向天池飲還遶上林飛金

堤隴羽翮丹水浴毛衣非貪葭下食懷恩自遠歸

艾如張

陳蘇子卿

誰在閑門外羅家諸少年張機蓬艾側結網槿籬邊若能飛自勉豈爲繒所纏黃雀儻爲誠朱絲猶可延

上之回

梁簡文帝

前旆拂回中後車隅桂宮輕絲臨雲罕春色繞川風桃林方灼灼柳路日瞳瞳笳聲駭胡騎清磬聳山戎微臣今拜手願帝永無窮

同前

陳張正見

林光稱避暑回中乃吉行龍媒躡影駛玉輦御雲輕風

烏繞鳩鵲綵鷁照昆明欲知鍾箭遠遙聽寶雞聲

同前

選詩拾遺
題云巡省

北齊蕭慤

發軔城西時回輿事北遊山寒石道凍葉下故宮秋朔
路傳清景邊風卷畫旒歲餘巡省畢擁仗返皇州

擁仗一作按節

同前

隋陳子良

承平重遊樂詔蹕上之回屬車響流水清笳轉落梅嶺
雲蓋道轉巖花映綬開下輦便高宴何如在瑤臺

戰城南

二首後二首藝文失題列戰城南後英
華從之陌上一首六朝詩作胡無人行

梁吳均

蹶蹶青驪馬往戰城南畿五歷魚麗陣三入九重圍名

惴武安將血汗秦王衣爲君意氣重無功終不歸

前有濁樽酒憂思亂紛紛小來重意氣學劍不學文忽
值胡關靜匈奴遂兩分天山已半出龍城無片雲漢世

平如此何用李將軍

樽酒一作酒尊
小來一作少年

陌上何喧喧匈奴圍塞垣黑雲藏趙樹黃塵埋隴垠天

子羽書勞將軍在玉門

闕

同前

陳張正見

薊北馳胡騎城南接短兵雲屯兩陣合劒聚七星明旗
交無復影角憤有餘聲戰罷披軍策還嗟李少卿

巫山高

齊虞羲

南國多奇山荆巫獨靈異雲雨麗以佳陽臺千里思勿
言可再得特美君王意高唐一斷絕光陰不可遲

同前

王融

想像巫山高薄暮陽臺曲煙華乍卷舒行芳時斷續彼

美如可期寤言紛在矚憮然坐相思秋風下庭綠想像作

髣髴煙華一作煙雲卷舒一作舒卷
行芳一作猿鳥又作蘅芳思一作望

同前

劉繪

高唐與巫山參差鬱相望灼爍在雲間氛氲出霞上散

雨收夕臺行雲卷晨障出沒不易期嬋娟似惆悵霞一作雲

似一作以

同前

梁元帝

巫山高不窮，迴出荆門中。
灘聲下濺石，猿鳴上逐風。
樹雜山如畫，林暗澗疑空。
無因謝神女，一爲出房櫳。

同前

范雲

巫山高不極，白日隱光輝。
靄靄朝雲去，冥冥暮雨歸。
巖懸獸無跡，林暗鳥疑飛。
枕席竟誰薦，相望空依依。

空一作徒

同前

費昶

巫山光欲晚，陽臺色依依。
彼美巖之曲，寧知心是非。
朝雲觸石起，暮雨潤羅衣。
願解千金佩，請逐大王歸。

晚一作曉

同前

王泰

迢遍巫山竦遠天新霽時樹交涼去遠草合影開遲谷
深流響咽峽近猿聲悲只言雲雨狀自有神仙期

同前

陳後主

巫山巫峽深峭壁聳春林風巖朝蕊落霧嶺晚猿吟雲
來足薦枕雨過非感琴仙姬將夜月度影自浮沈

同前

蕭詮

巫山映巫峽高高殊未窮猿聲不辨處雨色詎分空懸
崖下桂月深澗響松風別有仙雲起時向楚王宮

同前

隋李孝貞

荆門對巫峽雲夢邇陽臺燎火如奔電墜石似驚雷天

寒秋水急風靜夜猿哀枕席無由薦朝雲徒去來

同前

凌敬

巫岫鬱岩崑高高入紫霄白雲間危石玄猿挂迴條懸崖激巨浪脆葉殞驚飈別有陽臺處風雨共飄飄

危一作抱

挂迴一作迴挂

將進酒

梁昭明太子統

洛陽輕薄子長安遊俠兒宜城溢渠盃中山浮羽巵

君馬黃

陳蔡君知

君馬徑西極臣馬出東方足策浮雲影珂連明月光水凍恒傷骨蹄寒爲踐霜躊躇嗟伏櫪空想欲從良

同前

二首

張正見

幽并重騎射，征馬正盤桓。
風去長嘶遠，冰堅度足寒。
出關聊變色，上坂屢停鞍。
卽今隨御史，非復在樓蘭。
五色乘馬黃，追風時滅沒。
血汗染龍花，胡鞍抱秋月。
唯騰渥洼水，不飲長城窟。
詎待燕昭王，千金市駿骨。

芳樹

同沈約王融
范雲劉繪賦

齊謝朓

早翫華池陰，復鼓滄洲枻。
椅柅芳若斯，葳蕤紛可結。
霜下桂枝銷，怨與飛蓬折。
不廁玉盤滋，誰憐終委絕。

鼓一作影

同前

王融

相望早春日，煙華襍如霧。
復此佳麗人，含情結芳樹。
綺

羅已自憐。萱風多有趣。去來徘徊者。佳人不可遇。

同前

梁武帝

綠樹始搖芳。芳生非一葉。一葉度春風。芳芳自相接。色
襍亂參差。衆花終重疊。重疊不可思。思此誰能慙。

同前

元帝

芬芳君子樹。交柯御宿園。桂影含秋月。桃花染春源。落
英逐風聚。輕香帶蕊翻。叢枝臨北閣。灌木隱南軒。交讓
良宜重。成蹊何用言。月一作色

同前

費昶

幸被夕風吹。屢得朝光照。枝偃疑欲舞。花開似含笑。長

夜路悠悠所思不可召行人早旋返賤妾猶年少

偃一作低

猶年少一作年猶少

同前

沈約

發萼九華隈開跼寒路側氤氲非一香參差多異色宿昔寒飈舉摧殘不可識霜雪交橫至對之長歎息

路一作露

同前

丘遲

芳葉已漠漠嘉實復離離發景傷雲屋凝暉覆華池輕蜂掇浮穎弱鳥隱深枝一朝容色茂千春長不移

同前

陳李爽

芳樹千株發搖蕩三陽時氣軟風來易枝繁度鳥遲春

至花如錦夏近葉成帷。欲寄邊城客路遠，詎能持詎作詳

同前

顧野王

上林通建章。襍樹遍林芳。日影桃蹊色。風吹梅逕香。幽山桂葉落。馳道柳條長。折榮疑路遠。用表莫相忘。

同前

張正見

奇樹舒春苑。流芳入綺錢。合歡分四照。同心影萬年。香浮佳氣裏。葉映彩雲前。欲識楊雄賦。金玉滿甘泉。影一作彰

同前

江總

朝霞映日殊未妍。珊瑚照水定非鮮。千葉芙蓉詎相似。百枝燈花復羞然。暫欲寄根對滄海。大願移華側綺錢。

井上桃蟲誰可禱庭中桂蠹豈見憐

有所思

齊劉繪

別離安可再而我更重之佳人不相見明月空在帷共
銜滿堂酌獨飲向隅眉中心亂如雪寧知有所思

同前

集云同王主簿有所思

謝朓

佳期期末歸望望下鳴機徘徊東陌上月出行人稀

同前

梁武帝

誰言生離久適意與君別衣上芳猶在握裏書未減腰
中雙綺帶夢爲同心結常恐所思露瑤華未忍折

同前

四首

簡文帝

昔未離長信金翠奉乘輿何言人事異夙昔故恩疎寂
寞錦筵靜玲瓏玉殿虛掩閨泣團扇羅幌詠蘼蕪

可歎不可思可思不可見餘絃斷瑟柱殘朱漆歌扇

寂寂暮檐響黯黯垂簾色唯有瓴甌苔如見蜘蛛織
入林看碣礪春至定無賒何時一可見更得似梅花

同前

玉書室庾
肩五口

昭明太子統

公子遠于隔乃在天一方望望江山阻悠悠道路長別
前秋葉落別後春花芳雷歎一聲響雨淚忽成行悵望
情無極傾心還自傷

公子一
作佳人

同前

郭本作
王融誤

范雲

如何有所思而無相見時宿昔夢顏色階庭尋履綦高
張更何已引滿終自持欲知憂能老爲視鏡中絲

同前

五言律
作吳均

王筠

丹墀生細草紫殿納輕陰曖曖巫山遠悠悠湘水深徒
歌鹿盧劒空貽玳瑁簪望君終不見屑淚且長吟

長一作微

同前

庾肩吾

佳期竟不歸春日坐芳菲拂匣看離鏡開箱見別衣井
梧生未合宮槐卷復稀不及銜泥燕從來相逐飛

鏡一作扇

同前

題云鼓瑟
曲有所思

王僧孺

夜風吹熠燿朝光照昔耶幾銷蘼蕪葉空落蒲桃花不

堪長織素誰能獨浣紗光陰復何極望促反成賒知君

自蕩子奈妾亦倡家

昔邪一作辟邪桃一作萄

同前

吳均

薄暮有所思終持淚煎骨春風驚我心秋露傷君髮

同前

沈約

西征登隴首東望不見家關樹抽紫葉塞草發青芽
昆明當欲滿蒲萄應作花垂淚對漢使因書寄狹邪

同前

費昶

上林鳥欲栖長門日行暮所思鬱不見空想丹墀步
簾動意君來雷聲似車度北方佳麗子窈窕能回顧夫君

自迷惑非爲妾心妬

鳥欲栖一作鳥欲飛行一作將

同前

三首一題云望遠

陳後主

蕩子好蘭期留人獨自思落花同淚臉初月似愁眉階

前看草蔓牕中對網絲不言千里望復是三春時

望一作別

杳杳與人期遙遙有所思山川千里間風月兩邊時相

待春那劇相望景偏遲當由分別久夢來還自疑

佳人在北燕相望渭橋邊團團落日樹耿耿曙河天愁

多明月下淚盡鴈行前別心不可寄唯餘琴上弦

同前

顧野王

賤妾有所思良人久征戍笳鳴塞城表花開落芳樹白

登澄月色黃龍起煙霧還聞雉子班非復長征賦

笳鳴塞城

表一作笳
鳴胡塞表

同前

張正見

深閨久離別積怨轉生愁徒思裂帛鴈空上望歸樓看
花憶塞草對月想邊秋相思日日暮淚臉年年流

暮一作度

同前

陸系

別念限城闌還思樓上人淚想離前落愁聞別後新月
來疑舞扇花度憶歌塵只看今夜裏那似隔河津

同前

北齊裴讓之

夢中雖暫見及覺始知非展轉不能寐徙倚獨披衣悽

悽曉風急掩掩月光微室空常達旦所思終不歸

同前

隋盧思道

長門與長信憂思竝難任洞房明月下空庭綠草深怨歌裁潔素能賦受黃金復聞隔湘水猶言限桂林悽悽日已暮誰見此時心

潔一作紵

雉子班

古今樂錄曰梁三朝樂第四十一設辟雅伎鼓吹作雉子班引去來

梁吳均

可憐雉子班羣飛集野甸文章始陸離意氣已驚狷幽并遊俠子直心亦如箭生死報君恩誰能孤恩盼

生死報君

恩一作以死報君恩又一作死節

同前

陳後主

四野秋原暗十步啄方前
雉聲風處遠翅影雲間連
箭射妖姬笑裘值盛明然已足
南皮賞復會北宮篇

同前

張正見

陳倉雉未飛歛翮依芳甸
朱冠色尚淺錦臆毛初變
雉麥且專場排花聊勇戰
唯當渡弱水不怯如臯箭

同前

毛處約

春物始芳菲春雉正相追
澗響連朝雉花光帶錦衣
竄跡時移影驚媒或亂飛
能使如臯路相逢巧笑歸

同前

江總

麥壟新秋來澤雉屢徘徊依花似協妬拂草乍驚媒三
春桃照李二月柳爭梅暫往如臯路當令巧笑開

臨高臺

魏文帝

臨臺行高高以軒下有水清且寒中有黃鵠往且翻行
爲臣當盡忠願令皇帝陛下三千歲宜居此宮鵠欲南
遊雌不能隨我欲躬銜汝口噤不能開欲負之毛衣摧
頽五里一顧六里徘徊詩紀云此曲三段辭不相屬鵠欲南遊以下乃古辭飛鵠行也

同前

齊謝朓

千里常思歸登臺臨綺翼纔見孤鳥還未辨連山極四
面動春風朝夜起寒色誰知倦遊者嗟此故鄉憶

春一作清

同前

王融

遊人欲騁望積步上高臺并蓮當夏吐牕桂逐秋開花
飛低不入鳥散遠時來還看雲棟影含月共徘徊

棟一作陣

同前

郭本作簡文帝今從玉臺

梁武帝

高臺半行雲望望高不極草樹無參差山河同一色
髣洛陽道道遠難別識玉階故情人情來共相憶

同前

沈約

高臺不可望望遠使人愁連山無斷續河水復悠悠
所思曠何在洛陽南陌頭可望不可至何用解人憂

同前

陳後主

晚景登高臺迴望春光來霧濃山後暗日落雲傍開煙
裏看鴻小風來望葉回臨牕已響吹極眺且傾杯

迴一作迴

同前

張正見

曾臺邇清漢出迴架重勢飛棟臨黃鶴高牕度白雲風
前朱幌色霞處綺疎分此中多怨曲地遠詎能聞

幌一作幔

同前

北齊蕭憺

崇臺高百尺迴出望仙宮畫棋浮朝氣飛梁照晚虹小
衫飄霧縠豔粉拂輕紅笙吹汶陽篠琴奏嶧山桐舞逐
飛龍引花隨少女風臨春今若此極燕豈無窮

朝一作雲

遠期

梁張率

遠期終不歸節物坐將變白露愴單衫秋風息團扇誰
能久離別他鄉且異縣浮雲蔽重山相望何時見寄言
遠期者空閨淚如霰

將一作遷

同前

庾成師

憶別春花飛已見秋葉稀淚粉羞明鏡愁帶減寬衣得
書言未反夢見道應歸坐使紅顏歇獨掩青樓扉

玄雲

梁張率

壞陣壓峨壘遮牕暗思扉映日斜生海跨樹似鵬飛夢
山妾已去落靨何由歸

釣竿

崔豹古今注云釣竿者伯常子避仇河濱
爲漁者其妻思之而作也每至河側輒歌

之後司馬相如作釣竿詩
遂傳爲樂曲其辭今亡

魏文帝

東越河濟水遙望大海涯釣竿何珊珊魚尾何筵筵行
路之好者芳餌欲何爲

同前

梁沈約

桂舟旣容與綠浦復回紆輕絲動弱芰微楫起單鳧扣
舷急日暮卒歲以爲娛

同前

戴暉

試持玄渚釣暫罷池陽獵翠羽飾長綸藻花裝小緹鉤
利斷蓴絲汎舉牽菱葉聊載前魚童還看後舟妾

同前

一作劉孝威

劉孝綽

釣舟畫采鷁魚子服冰紈金轄茱萸網銀鈎翡翠竿歛
橈隨水脉急漿渡江湍湍長自不辭前浦有佳期船交
棹影合浦深魚出遲荷根時觸餌菱芒乍罥絲蓮渡江
南手衣渝京兆眉垂竿自來樂誰能爲太師

釣竿篇

陳張正見

結宇長江側垂釣廣川潯竹竿橫翡翠桂髓擲黃金人
來水鳥沒檝渡岸花沈蓮搖見魚近綸盡覺潭深渭水
終須卜滄浪徒自吟空嗟芳餌下獨見有貪心

同前

隋李巨仁

潺湲面江海滉漾矚波瀾不惜黃金餌唯憐翡翠竿斜

綸控急水定楫下飛湍潭迴風來易川長霧歇難寄言
朝市客滄浪余自安

佳期竟不歸

庾肩吾有所思曰佳期竟不歸因以爲題

陳張正見

良人萬里向河源娼婦三秋思柳園路遠寄詩空織錦
宵長夢返欲驚魂飛蛾屢繞帷前燭衰草還侵階上玉
銜啼拂鏡不成粧促柱繁弦還亂曲時分年移竟不歸
偏憎寒急夜縫衣流螢映月明空帳疎葉從風入斷機
自對孤鸞向影絕終無一雁帶書回

古樂苑卷第九

終

古樂苑卷第十

西吳 梅鼎祚 補正

東越 呂胤昌 校閱

鼓吹曲辭 三魏 吳 晉

魏鼓吹曲

晉書樂志曰魏文帝使繆襲造鼓吹十二曲以代漢曲 繆襲

楚之平 晉書樂志曰改漢朱鷺言魏也宋書作初之平按宋書在晉書前今並從宋本

其文異者注下

楚之平義兵征神武奮金鼓鳴邁武德揚洪名漢室微社稷傾皇道失桓與靈闔宦熾羣雄爭邊韓起亂金城

中國擾無紀經赫武皇起旗旌麾天下天下平濟九州
九州寧勦武功武功成越五帝邈三王興禮樂定紀綱

普日月齊暉

曲凡三十句句三字

戰榮陽

改漢思悲翁言曹公也

戰榮陽汴水陂戎士憤怒貫甲馳陳未成退徐榮二萬
騎塹壘平戎馬傷六軍驚勢不集衆幾傾白日沒時晦
冥顧中牟心屏營同盟疑計無成賴我武皇萬國寧

二十句十八句句三字二句句四字

獲呂布

改漢艾如張言曹公東圍臨淮生擒呂布也

獲呂布戮陳宮芟夷鯨鯢驅騁羣雄囊括天下運掌中

曲凡六句三句句
三字三句句四字

克官渡

改漢上之回言曹公與
袁紹戰破之於官渡也

克紹官渡由白馬僵屍流血被原野賊衆如犬羊王師
尚寡沙埕旁風飛揚轉戰不利士卒傷今日不勝後何
望土山地道不可當卒勝大捷震冀方屠城破邑神武
遂章

曲凡十八句句八句句四字
一句五字九句句三字

舊邦

改漢翁離言曹公勝袁紹於
官渡還譙收藏於士卒也

舊邦蕭條心傷悲孤魂翩翩當何依遊士戀故涕如摧
兵起事大令願違傳求親戚在者誰立廟置後魂來歸

曲凡十二句句六句句
三字六句句四字

定武功

改漢戰城南言曹公初破鄴武功之定始乎此也

定武功濟黃河河水湯湯旦暮有橫流波袁氏欲哀兄
弟尋干戈決漳水水流滂沱簷城中如流魚誰能復顧
室家計窮慮盡求來連和和不時心中憂戚賊衆內潰
君臣奔北拔鄴城奄有魏國王業艱難覽觀古今可爲
長歎

曲凡二十一一句五句句三字三句
句六字十二句句四句一句五字

屠柳城

改漢巫山高言曹公越北塞歷白檀破三郡烏桓於柳城也

屠柳城功誠難越度隴塞路湯湯北踰岡平但聞悲風
正酸蹋頓授首遂登白狼山神武懋海外永無北顧患

曲凡十句三句句三字三句句
四字三句句五字一句六字

平南荆

改漢上陵言曹公南平荆州也

南荆何遼遼江漢濁不清菁茅久不貢王師赫南征劉琮據襄陽賊備屯樊城六軍廬新野金鼓震天庭劉子面縛至武皇許其成許與其成撫其民陶陶江漢間普爲大魏臣大魏臣向風思自新思自新齊功古人在昔虞與唐大魏得與均多選忠義士爲喉脣天下一定萬世無風塵

曲凡二十四句十七句句五字四句句三字三句句四字

平關中

改漢將進酒言曹公征馬超定關中也

平關中路向潼濟濁水立高墉鬪韓馬離羣凶選驍騎縱兩翼虜奔潰級萬億

曲凡十句句三字

應帝期

改漢有所思言文帝以聖德受命應運期也

應帝期於昭我文皇歷數承天序龍飛自許昌聰明昭
四表恩德動遐方星辰爲垂耀日月爲重光河洛吐符
瑞草木挺嘉祥麒麟步郊野黃龍遊津梁白虎依山林
鳳凰鳴高岡考圖定篇籍功配上古羲皇羲皇無遺文
仁聖相因循期運三千歲一生聖明君堯授舜萬國萬
國皆附親四門爲穆穆教化常如神大魏興盛與之爲
鄰

曲凡二十六句一句三字二句四句

五句五字一句六字盛一作聖

邕熙

改漢芳樹言魏氏臨其國君臣邕穆庶績成熙也

邕熙君臣念德天下治登帝道獲瑞寶頌聲竝作洋洋

浩浩吉日臨高堂置酒列名倡歌聲一何紆餘雜笙簧

八音諧有紀綱子孫永建萬國壽考樂無央

曲凡十五句六句句

三字三句句四句一句二字三句句五字二句句六字

太和

改漢上邪言明帝繼體承統太和改元德澤流布也

惟太和元年皇帝踐阼聖且仁德澤爲流布灾蝗一時

爲絕息上天時雨露五穀溢田疇四民相率遵軌度事

務澂清天下獄訟察以情元首明魏家如此那得不太

平

曲凡十三句句二句句三字五句句五字三句句四句三句句七字溢一

吳鼓吹曲

宋書樂志曰帝昭孫休時上鼓吹十二曲表曰當付樂官習歌帝昭

炎精缺

宋書樂志曰當漢朱鷺言漢室衰孫堅奮迅猛志念在匡救王迹始乎此也

炎精缺漢道微皇綱弛政德違衆姦熾民罔依赫武烈
越龍飛陟天衢耀靈威鳴雷鼓抗電麾撫乾衡鎮地機
厲虎旅騁熊羆發神聽吐英奇張肉破邊韓羈宛潁平
南土綏神武章渥澤施金聲震仁風馳顯高門啓皇基
統罔極垂將來

曲凡三十
句句三字

漢之季

當漢思悲翁言孫堅悼漢之微痛
董卓之亂興兵奮擊功蓋海內也

漢之季董卓亂桓桓武烈應時運義兵興雲旗建厲六
師羅八陳飛鳴鏑接白刃輕騎發介士奮醜虜震使衆
散劫漢主遷西館雄豪怒元惡僨赫赫皇祖功名聞

曲凡

二十句十八句句
三字二句句四字

攄武師

當漢艾如張言孫權
卒父之業而征伐也

攄武師斬黃祖攘夷凶族革平西夏炎炎大烈震天下

曲凡六句三句句三字
三句句四字字攘一作攔

伐烏林

當漢上之回言魏武既破荊州從流東
下欲來爭鋒孫權命將周瑜逆擊之於

烏林而
破走也

曹操北伐拔柳城乘勝席卷遂南征劉氏不睦八郡震

驚衆既降操屠荆舟車十萬揚風聲議者狐疑慮無成

賴我大皇發聖明虎臣雄烈周與程破操烏林顯章功

名

曲凡十八句句十句句
四字八句句三字

樂苑

卷十

五

秋風

當漢擁離言孫權悅
以使民忘其死也

秋風揚沙塵寒露沾衣裳
角弓持弦急鳩鳥化為鷹
邊垂飛羽檄寇賊侵界疆
跨馬披介冑忼慨懷悲傷
辭親向長路安知存與亡
窮達固有分志士思立功
思立功邀之戰場身逸獲
高賞身沒有遺封

曲凡十六句十四
句句五字一句三

字一句
四字

克皖城

當漢戰城南言魏武志圖并兼而令朱
允為廬江太守孫權親征允破之於皖

城也

克滅皖城遏寇賊惡此凶孽
阻姦慝王師赫征衆傾覆
除穢去暴戢兵革民得就農
邊境息誅君弔臣昭至德

曲凡十二句六句句
三字六句句四字

關背德

當漢巫山高言蜀將關羽背弃吳德心懷不軌孫權引師浮江而禽之也

關背德作鴟張割我邑城圖不祥稱兵北伐圍樊襄陽
嗟臂大於股將受其殃魏夫吳聖主睿德與玄通與玄
通親任呂蒙汎舟洪汜池滌涉長江神武一何桓桓聲
烈正與風翔歷撫江安城大據郢邦虜羽授首百蠻咸
來同盛哉無比隆

曲凡二十一一句八句句四字二句
句六字七句句五字四句句三字

通荆門

當漢上陵言孫權與蜀交好齊盟中有
關羽自失之譽戎蠻樂亂生變作患蜀

疑其眩吳惡其詐乃
大治兵終復初好也

荆門限巫山高峻與雲連蠻夷阻其險歷世懷不賓漢

王據蜀郡崇好結和親乖微中情疑讒夫亂其間大皇
赫斯怒虎臣勇氣震蕩滌幽數討不恭觀兵揚炎耀厲
鋒整封疆整封疆闡揚威武容功赫戲洪烈炳章邈矣
帝皇世聖吳同厥風荒裔望清化化恢弘煌煌大吳延
胙永未央

曲凡二十四句十七句句五
字四句句三字三句句四字

章洪德

當漢將進酒言孫權章
其大德而遠方來附也

章洪德邁威神感殊風懷遠鄰平南裔齊海濱越裳貢
扶南臣珍貨克庭所見日新

曲凡十句八句句
三字二句句四字

從歷數

當漢有所思言孫權從
圖錄之符而建大號也

從歷數於穆我皇帝聖哲受之天神明表奇異建號創

皇基聰睿協神思德澤浸及昆蟲浩蕩越前代三光顯
精耀陰陽稱至治肉角步郊畛鳳皇棲靈囿神龜遊沼
池圖讖摹文字黃龍覲鱗符祥日月記覽往以察今我
皇多噲事上欽昊天象下副萬民意允被彌蒼生家戶
蒙惠賚風教肅以平頌聲章嘉喜大吳興隆綽有餘裕

曲凡二十六句一句三字三句句
四字二十二句句五字一句六字

承天命

當漢芳樹言上以聖
德踐位道化至盛也

承天命於昭聖德三精垂象符靈表德巨石立九穗植
龍金其鱗烏赤其色輿人歌億夫歎息超龍升襲帝服
窮淳懿體玄嘿夙興臨朝勞謙日昃易簡以崇仁放遠

讒與慝舉賢才親近有德均田疇茂稼穡審法令定品
式考功能明黜陟人思自盡唯心與力家國治王道直
思我帝皇壽萬億長保天祿胙無極

曲凡三十四句十
九句句三字二句

句五字十三
句句四字

玄化

當漢上邪言上修文訓武則天
而行仁澤流洽天下喜樂也

玄化象以天陛下聖真張皇綱率道以安民惠澤宣流
而雲布上下睦親君臣酣宴樂激發弦歌揚妙新修文
籌廟

勝

須時備駕巡洛津康哉泰四海歡欣越與三五鄰

曲凡十三句五句句五字三句句
四字二句句三字三句句七字

晉鼓吹曲

晉書樂志曰武帝令傅玄製鼓
吹曲二十二篇述以功德代魏
傳玄

靈之祥

當朱鷺宋書樂志曰言宣帝佐魏猶虞
舜事堯既有石瑞之徵又能用武以誅

孟達之
逆命也

靈之祥石瑞章旌金德出西方天降命授宣皇應期運
時龍驤繼大舜佐陶唐讚武文建帝綱孟氏叛據南疆
追有扈亂五常吳寇勁蜀虜彊交誓盟連遐荒宣赫怒
奮鷹揚震乾威燿電允陵九天陷石城梟逆命拯有生
萬國安四海寧

勁晉書
作叛

宣受命

當思悲翁言宣帝御諸葛亮養
威重運神兵亮震怖而死也

宣受命應天機風雲時動神龍飛禦諸葛鎮雒梁邊境

安夷夏康務節事勤定傾攬英雄保持盈淵穆穆赫明
明冲而泰天之經養威重運神兵亮乃震死天下寧

晉書

作安寧死
晉書作斃

征遼東

當艾而張言宣帝陵大海之
表討滅公孫淵而梟其首也

征遼東敵失據威靈邁日域公孫既授首羣逆破膽咸
震怖朔北響應海表景附武功赫赫德雲布

宣輔政

當上之回言宣帝聖道深遠撥亂反
正網羅文武之才以定二儀之序也

宣皇輔政聖烈深撥亂反正從天心網羅文武才愼厥
所生所生賢邇教施安上治民化風移肇創帝基洪業
垂於鑠明明時赫戲功濟萬世定二儀定二儀雲澤雨

施海外風馳

從一作順
澤一作行

時運多難

當擁離言宣帝致討
吳方有征無戰也

時運多難道教痛天地變化有盈虛蠢爾吳蠻虎視江湖我皇赫斯致天誅有征無戰弭其圖天威橫被廓東

隅

虎晉書
作武

景龍飛

當戰城南言景帝克明威教賞
從夷逆祚隆無疆崇此洪基也

景龍飛御天威聰鑒玄察動與神明協機從之者顯逆之者滅夷文教敷武功魏普被四海萬邦望風莫不來綏聖德潛斷先天弗違弗違祥享世永長猛以致寬道化允赫明明胙隆無疆帝績惟期有命既集崇此洪基

樂府 卷一
平玉衡

當巫山高言景帝一萬國之殊風齊四海之乖心禮賢養士而纂洪業也

平玉衡紂姦回萬國殊風四海乖禮賢養士羈御英雄
思心齊纂戎洪業崇皇階品物咸亨聖敬日躋聰鑒盡
下情明明綜天機

文皇統百揆

當上陵言文皇帝始統百揆用人有序以敷太平之化也

文皇統百揆繼天理萬方武將鎮四寓英佐盈朝堂謀
言協秋蘭清風發其芳洪澤所漸潤礫石爲珪璋大道
侔五帝盛德踰三王咸光大上參天與地至化無內外
無內外六合並康乂並康乂邁茲嘉會在昔羲與農大
晉德斯邁鎮征及諸州爲蕃衛玄功濟四海洪烈流萬

世

寓晉書作隅

因時運

當將進酒言文皇帝因時運變聖謀潛施解長蛇之交離羣桀之黨以武濟文審其大計以邁其德也

因時運聖策施長蛇交解羣桀離勢窮奔吳虎騎厲惟

武進審大計時邁其德清一世

虎晉書作獸

惟庸蜀

當有所思言文皇帝既平萬乘之蜀封建萬國復五等之爵也

惟庸蜀僭號天一隅劉備逆帝命禪亮承其餘擁衆數十萬闕隙乘我虛驛騎進羽檄天下不遑居姜維屢寇邊隴上爲荒墟文皇愍斯民歷世受辜外謨蕃屏臣內謀衆士夫爪牙應指授腹心獻良圖良圖協成文大

樂苑

卷十

十

羅

興百萬軍雷鼓震地起猛勢陵浮雲逋虜畏天誅面縛
造壘門萬里同風教逆命稱妾臣光建五等紀綱天人

獻一作同
大一作乃

天序

當芳樹言聖皇應歷受禪弘
濟大化用人各盡其才也

天序歷應受禪承靈祐御羣龍勒螭虎弘濟大化英雋
作輔明明統萬機赫赫鎮四方咎繇稷契之疇協蘭芳
禮王臣覆兆民化之如天與地誰敢愛其身

大晉承運期

當上邪言聖皇應錄
受圖化象神明也

大晉承運期德隆聖皇時清晏白日垂允應錄圖陟帝
位繼天正玉衡化行象神明至哉道隆虞與唐元首敷

洪化百寮股肱竝忠良民大康隆隆赫赫福昨盈無疆

金靈運

當君馬黃言聖皇踐祚致敬宗廟而孝道施於天下也

金靈運天符發聖徵見參日月惟我皇體神聖受魏禪
應天命皇之興靈有徵登大麓御萬彙皇之輔若虓虎
爪牙奮莫之禦皇之佐讚清化百事理萬邦賀神祇應
嘉瑞章恭享祀薦先皇樂時奏磬管鏘鼓淵淵鐘噶噶
奠樽俎寶玉觴神歆饗咸悅康宴孫子祐無疆大孝烝
烝德教被萬方

禮晉書作闕祀作禮淵淵作殷殷

於穆我皇

當雉子斑言聖皇受命德合神明也

於穆我皇盛德聖旦明受禪君世允濟羣生普天率土

莫不來庭顒顒六合內望風仰泰清萬國雖雖興頌聲
大化洽地平而天成七政齊玉衡惟平峨峨佐命濟濟
羣英夙夜乾乾萬機是經雖治興匪荒寧謙道允沖不
盈天地含德日月同榮赫赫煌煌燿幽冥三允克從於
顯天垂景星龍鳳臻甘露宵零肅神祇祇上靈萬物欣
戴自天效其成

仲春振旅

當聖人出言大晉申文
武之教政獵以時也

仲春振旅大致民武教於時日新師執提工執鼓坐作
從節有序盛矣允文允武蒐田表禡申法誓遂圍禁獻
社祭允矣時明國制文武並用禮之經列車如戰大教

明古今誰能去兵大晉繼天濟羣生

民晉作人從晉作起允矣晉作允以

夏苗田

當臨高臺言大晉畋狩順時為苗除害也

夏苗田運將徂軍國異容文武殊乃命羣吏選車徒辨其名號贊契書王軍啓八門行同上帝居時路建大麾雲旗翳紫虛百官象其事疾疾徐則徐回衡旋軫罷陳弊車獻禽享祠烝烝配有虞惟大晉德參兩儀化雲

敷

選晉書作撰

仲秋獮田

當遠期言大晉雖有文德不廢武事順時以殺伐也

仲秋獮田金德常剛涼風清且厲凝露結為霜白虎司辰蒼隼時鷹揚鷹揚猶周尚父順天以殺伐春秋時叙雷

霆振威燿進退由鈺鼓致禽祀祊羽毛之用充軍府赫
赫大晉德芬烈陵三五敷化以文雖治不廢武光宅四
海永享天之祐

剛晉書作綱虎晉
作藏治晉作安

從天道

當石畱言仲冬大閱用武
修文大晉之德配天也

從天道握神契三時示講武事冬大閱鳴鐃振鼓鐸旌
旗象虹霓文制其中武不窮武動軍誓衆禮成而義舉
三驅以崇仁進止不失其序兵卒練將如闕虎惟闕虎
氣陵青雲解圍三面殺不殄羣偃旌麾班六軍獻享烝
修典文嘉大晉德配天祿報功爵俟賢饗燕樂受茲百
祿壽萬年

如闕虎宋書作如虎闕宋書
作處虎並作武壽晉作嘉

唐堯

當務成言聖皇陟帝位德化光四表也

唐堯諮務成謙謙德所興積漸終允大履霜致堅氷神明道自然河海猶可凝舜禹統百揆元凱以次升禪讓應天曆睿聖世相承我皇陟帝位平衡正準繩德化飛四表祥氣見其徵興王坐俟旦亾主恬自矜致遠由近始覆簞成山陵披圖按先籍有其證靈液

主一

作國

玄雲

當玄雲言聖皇用人各盡其材也

玄雲起山嶽祥氣萬里會龍飛何婉婉鳳翔何颺颺昔在唐虞朝時見青雲際今親遊方國流允溢天外鶴鳴在後園清音隨風邁成湯隆顯命伊摯來如飛周文獵

渭濱遂載呂望歸符合如影響先天天弗違輟耕綱時
網解褐衿天維元功配二主芬馨世所稀我皇叙羣才
洪烈何巍巍桓桓征四表濟濟理萬機神化感無方髦
才盈帝畿不顯惟昧旦日新孔所咨茂哉聖明德日月

同光輝

山嶽晉書作丘山方晉作萬綱時
綱晉作綵地綱聖明一作明聖

伯益

當黃爵言赤鳥銜書有周以
興今聖皇受命神雀來也

伯益佐舜禹職掌山與川德侔十六相思心入無閒智
理周萬物下知衆鳥言黃雀應清化翔集何翩翩和鳴
棲庭樹徘徊雲日間夏桀爲無道密網施山阿酷祝振
纖網當奈黃雀何殷湯崇天德去其三面羅逍遙羣飛

來鳴聲乃復和朱雀作南宿鳳皇統羽羣赤鳥銜書至
天命瑞周文神雀今來遊爲我受命君嘉祥致天和膏
澤降青雲蘭風發芳氣闔世同其芬

降一作隆

釣竿

當釣竿言聖皇德配堯舜又有
呂望之佐以濟天功致太平也

釣竿何冉冉甘餌芳且鮮臨川運思心微綸沈九淵太
公寶此術乃在靈祕篇機變隨物移精妙貫未然游魚
驚著釣潛龍飛戾天戾天安所至撫翼翔太清太清一
何異兩儀出渾成玉衡正三辰造化賦羣形退願輔聖
君與神合其靈我君弘遠略天人不足并天人初并時
昧昧何芒芒日月有徵兆文象興三皇蚩尤亂生民黃

帝用兵征萬方逮夏禹而德衰三代不及虞與唐我皇
聖德配堯舜受禪卽祚享天祥率土蒙祐靡不肅庶事
康庶事康穆穆明明荷百祿保無極永泰平

淵晉書作
泉生民晉

作生靈三代
晉作三十一

晉凱歌二首

命將出征歌

張華 下同

重華隆帝道戎蠻或不賓徐夷興有周鬼方亦違殷今
在盛明世寇虐動四垠豺狼染牙爪羣生號穹旻元帥
統方夏出車撫京秦衆貞必以律臧否實在人威信加
殊類疎逖思自親覃醪豈有味挾纊感至仁武功尚止

戈七德美安民遠跡由斯舉永世無風塵

有味二
作無味

勞還師歌

獬狁背天德構亂擾邦畿戎車震朔野羣帥贊皇威將
士齊心旅感義忘其私積勢如鄴弩赴節如發機囂聲
動山谷金光耀綦輝揮戟陵勁敵武步蹈橫屍鯨鯢皆
授首北土永清夷昔往冒隆暑今來白雪霏征夫信勤
瘁自古詠采薇收榮於舍爵燕喜在凱歸

戰一作
成

古樂苑卷第十

終

古樂苑卷第十一

西吳 梅鼎祚 補正

東越 呂胤昌 校閱

鼓吹曲辭

四

宋

齊 梁 隋

宋鼓吹鐃歌

三首

宋書樂志曰鼓吹鐃歌四篇其一篇闕沈約云樂人以音聲相傳訓詁不可復解凡古樂錄皆大字是辭細字是聲聲辭合寫故致然耳

上邪曲

四解

大竭夜烏自云何來堂吾來聲烏奚姑悟姑尊盧聖子
黃尊來饌清嬰烏白日為隨來郭吾微令吾

樂苑

卷十一

陶

應龍夜鳥由道何來直子爲鳥奚如悟姑尊盧雞子聽
鳥虎行爲來明吾微令吾

詩則夜鳥道祿何來黑洛道鳥奚悟如尊爾尊盧起黃
華鳥伯遼爲國日忠兩令吾

伯遼夜鳥若國何來日忠兩鳥奚如悟姑尊盧面道康
尊籙龍永鳥赫赫福昨夜音微令吾

晚芝曲

九解宋書樂志曰漢曲有遠期疑是也

幾令吾幾令諸韓亂發正令吾

幾令吾諸韓從聽心令吾若里洛何來韓微令吾

尊盧忌盧文盧子路子路爲路雞如文盧炯鳥諸祚微

令吾

幾令諸韓或公隨令吾

幾令吾幾諸或言隨令吾黑洛何來諸韓微令吾

尊盧安成隨來免路路子爲吾路奚如文盧炯烏諸胙
微令吾

幾令吾幾諸或言隨令吾

此下宋書無

幾令吾諸或言幾苦黑洛何來諸韓微令吾

尊盧公并隨來免路路子路子爲路奚姑文盧炯烏諸
祚微令吾

艾如張曲

三解

幾令吾呼曆舍居執來隨咄武子邪令烏銜鉞相風其
右其右

幾令吾呼羣議破葫執來隨吾咄武子邪令烏令烏今
臚入海相風及後

幾令吾呼無公赫吾執來隨吾咄武子邪令烏無公赫
吾踞立諸布始布

宋鼓吹鐃歌

十五首

宋書樂志曰鼓吹鐃歌十五篇何承天晉義熙
末私造疑未嘗被於歌也雖有漢曲舊名大抵
別增新意故其義與
古辭考之多不合云

何承天

朱路篇

朱路揚和轡翠蓋耀金華玄牡飾樊纓流旌拂飛霞雄
戟闢曠塗班劒翼高車三軍且莫喧聽我奏饒歌清鞞
驚短簫朗鼓節鳴笳人心惟愷豫茲音亮且和輕風起
紅塵淳瀾發微波逸韻騰天路穡響結城阿仁聲被八
表威震振九遐簷簷介冑士勗哉念皇家

思悲公篇

思悲公懷袞衣東國何悲公西歸公西歸流二叔幼主
既悟偃禾復偃禾復聖志申營都新邑從斯民從斯民
德惟明制禮作樂興頌聲興頌聲致嘉祥鳴鳳爰集萬
國康萬國康猶弗已握髮吐食下羣士惟我君繼伊周

親覩盛世復何求

離離篇

雍士多離心
荆民懷怨情
二凶不量德
構難稱其兵王
人銜朝命正
辭糾不庭上
宰宣九伐萬
里舉長旌樓船
掩江濱駟介
飛重英歸德
戒後夫賈勇
尚先鳴逆徒
旣不濟愚智
亦相傾霜鋒
未及染鄢郢
忽已清西川
無潛鱗北渚
有奔鯨凌威
致天府一戰
夷三城江漢
被美化宇宙
歌太平惟我
東郡民曾是
深推誠

戰城南篇

戰城南衝黃塵
丹旌電燄鼓
雷震勅敵猛
戎馬殷橫陳

巨野若屯雲仗大順應三靈義之所感士忘生長劒擊
繁弱鳴飛鏑炫晃亂奔星虎騎躍華眊旋朱火延起騰
飛煙驍雄斬高旗舉長角浮呌響清天夷羣寇殪逆徒
餘黎霑惠詠來蘇奏愷樂歸皇都班爵獻俘邦國娛

巫山高篇

巫山高三峽峻青壁千尋溪谷萬仞崇巖冠靈林冥冥
山禽夜響晨猿相和鳴洪波迅瀆載逝載停悽悽商旅
之客懷苦情在昔陽九皇綱微李氏竊命宣武耀靈威
蠢爾逆縱復踐亂機王旅薄伐傳首來至京師古之爲
國惟德是寶力戰而虐民鮮不顛墜矧乃叛戾伊胡能

遂咨爾巴子無放肆

上陵者篇

上陵者相追攀被服纖麗振綺紈攜童幼升崇巒南望
城闕鬱盤桓王公第通衢端高薨華屋列朱軒臨濬谷
掇秋蘭士女悠奕映隰原指營丘感牛山爽鳩旣沒景
君歎簷歲聿逝不還志氣衰沮玄鬢斑野莽宿墳土乾
顧此纍纍中心酸生必死亦何怨取樂今日展情歡

將進酒篇

將進酒慶三朝備繁禮薦嘉肴榮枯換霜霧交緩春帶
命朋僚車等旗馬齊鑣懷溫克樂林濠士失志愠情勞

思旨酒寄遊遨敗德人甘醇醪耽長夜或淫妖興屢舞
厲哇謠形傜傜聲號呶首旣濡志亦荒性命天國家亾
嗟後生節酣觴匪酒辜孰爲殃

君馬篇

君馬麗且閑揚鑣騰逸姿駿足躡流景高步追輕飛冉
冉六轡柔奕奕金華暉輕霄翼羽益長風靡淑旂願爲
范氏驅雖容步中畿豈效詭遇子馳騁趣危機鈇陵策
良駟造父爲之悲不怨吳坂峻但恨伯樂稀赦彼岐山
盜實濟韓原師奈何漢魏主縱情營所私疲民甘藜藿
廐馬患盈肥人畜智厥養蒼生將焉歸

樂府
卷一
芳樹篇

芳樹生北庭豐隆正徘徊翠穎陵冬秀紅葩迎春開佳
人閒幽室惠心婉以諧蘭芳掩綺幌綠草被長階日夕
遊雲際歸禽命同棲皓月盈繁景涼風拂中閨哀絃理
虛堂要妙清且悽嘯歌流激楚傷此碩人懷梁塵集丹
帷微飈揚羅袿豈怨嘉時暮徒惜良願乖

有所思篇

有所思思昔人曾閔二子善養親和顏色奉昏晨至誠
烝烝通明神鄒孟軻爲齊卿稱身受祿不貪榮道不用
獨擁楹三徙旣諄禮義明飛鳥集猛獸附功成事畢乃

更娶哀我生遘凶旻幼罹荼毒備艱辛慈顏絕見無因

長懷永思託丘墳

毒郭作酷

雉子遊原澤篇

雉子遊原澤幼懷耿介心飲啄雖勤苦不願棲園林古
有避世士抗志清霄岑浩然寄卜肆揮棹通川陰逍遙
風塵外散髮撫鳴琴卿相非所盼何況於千金功名豈
不美寵辱亦相尋冰炭結六府憂虞纏曾襟當世須大
度量已不克任二復泉流誠自驚良已深

上邪篇

上邪下難正衆枉不可矯音和響必清端影緣直表大

化揚仁風齊人猶偃草聖王旣已沒誰能弘至道開春
湛柔露代終肅嚴霜承平賢孔孟政弊侯申商孝公明
賞罰六世猶克昌李斯肆濫刑秦民所以亾漢宣隆中
興魏祖寧三方譬彼鍼與石效疾故稱良行葦非不厚
悠悠何詎央琴瑟時未調改弦當更張矧乃

治天下此
要安可忘

臨高臺篇

臨高臺望天衢飄然輕舉陵太虛携列子超帝鄉雲衣
雨帶袈風翔肅龍駕會瑤臺清輝浮景溢蓬萊濟西海
濯洧盤佇立雲嶽結幽蘭馳迅風遊炎州願言桑梓思
舊遊傾霄蓋靡電旌降彼天塗積窈冥辭仙族歸人羣

懷忠抱義奉明君任窮達隨所遭何爲遠想令心勞

遠期篇

遠期千里客肅駕候良辰近命城郭友具爾惟懿親高
門啓雙闌長筵列嘉賓中唐儻六佾三廂羅樂人簫管
激悲音羽毛揚華文金石響高宇絃歌動梁塵修標多
巧捷丸劒亦入神遷善自雅調成化由清均主人垂隆
慶羣士樂亡身願我聖明君邇期保萬春

石流篇

石上流水湔湔其波發源幽岫永歸長河瞻彼逝者歲
月其偕子在川上惟以增懷嗟我殷憂載勞寤寐遘此

百罹有志不遂行年倏忽長勤是嬰永言沒世悼茲無
成幸遇開泰沐浴嘉運緩帶安寢亦又何愠古之爲仁
自求諸已虛情遙慕終於徒已

齊隨王鼓吹曲

十首

齊永明八年謝朓奉鎮西
隨王教於荊州道中作

謝朓

元會曲

以下三曲
頌帝功

二儀啓昌歷三陽應慶期珪贄紛成序鞮譯謬來思分
階艷組練充庭羅翠旗觴流白日下吹謚景雲滋天儀
穆藻殿萬寓壽皇基

陽一作朝謚一
作溢壽一作慶

郊祀曲

六宗禋祀岳五時奠甘泉整蹕遊九闕清簫開八壑鏘鏘玉鑾動溶溶金障旋郊宮允已屬升柴禮既虔福響靈之集南岳固斯年

靈一作雲

鈞天曲

高宴顥天臺置酒迎風觀笙鏘禮百神鍾石動雲漢瑤臺琴瑟驚綺席舞衣散威鳳來參差玄鶴起凌亂已慶明庭樂詎慙南風彈

臺一作堂琴一作寶起一作至詎慙一作誰想

入朝曲

以下三曲
頌藩德

江南佳麗地金陵帝王州逶迤帶綠水迢遞起朱樓飛甍夾馳道垂楊陰御溝凝笳翼高蓋疊鼓送華輶獻納

雲臺表功名良可收

出藩曲

雲枝紫微內分組承明阿飛鯢
溯極浦旌節去關河眇眇蒼山色
沈沈遠水波
饒音巴渝曲
簫管盛唐歌
夫君邁遺德
江漢仰清和

遡一作遊遠一作寒管一作鼓遺一作惟

校獵曲

凝霜冬十月殺盛涼飈
哀原澤曠千里騰騎紛往來
平望望烟合烈火從風迴
殪獸華容浦張樂荆山臺
虞人

昔有諭明明時戒哉

哀一作開紛一作絡

從戎曲

選旅辭輶轅弭節赴河源
日起霜戈照風迴連騎翻紅
塵朝夜合黃河萬里昏寥戾
清笳轉蕭條邊馬煩自勉
輟耕願征役去何言

赴一作趨

送遠曲

北梁辭歡宴南浦送佳人
方衢控龍馬平路騁朱輪瓊
筵妙舞絕桂席羽觴陳白雲
丘陵遠山川時未因一爲
清吹激潺湲傷別巾

登山曲

天明開秀嶧瀾光媚碧隄
風盪飄鶯亂雲華芳樹低暮
春春服美遊駕凌丹梯升嶠
旣小魯登巒且悵齊王孫

尚游衍蕙草正萋萋

飄鶯亂一作翻鶯亂雲華一作雲行凌一作躡丹一作石

汎水曲

玉露霑翠葉金風鳴素枝罷遊平樂苑汎鷁昆明池旌

旗散容裔簫管吹參差日晚厭遵渚採菱贈清漪百年

如流水寸心寧共知

露一作霜旌一作羽管一作谷

梁鼓吹曲

十二首

隋書樂志曰梁高祖

制鼓吹新歌十二曲

沈約

木紀謝

隋書樂志曰改朱鷺言齊謝梁升也

木紀謝火運昌炳南陸耀炎炆民去癸鼎歸梁鮫魚出

慶雲翔轡五帝軼三王德無外化溥將仁蕩蕩義湯湯

浸金石達昊蒼橫四海被八荒舞千戚垂衣裳對天眷
坐巖廊胤有錫祚無疆風教遠禮容盛感人神宣舞詠
降繁祉延嘉慶

火一作炎

賢首山

改思悲翁言武帝破魏軍於司部肇王迹也

賢首山險而峻堯峴憑臨胡陣騁奇謀奮卒徒斷白馬
塞飛狐殪日逐殲骨都刃谷蠡馘林胡草旣潤原亦塗
輪無反幕有烏掃殘孽震戎逋揚凱奏展歡酺詠杖杜

旋京吳

謀一作謨

桐柏山

改艾如張言武帝牧司王業彌章也

桐柏山淮之首肇基帝跡遂允區有大震邊關迹殪獯

醜農既勸民惟阜穗克庭稼盈畝迨嘉辰蓂芳糗納寒
場爲春酒昭景福介眉壽天斯長地斯久化無極功無
朽

道亾

改上之回言東昏喪
道義師起樊鄧也

道亾數極歸永元悠悠兆庶盡含冤沈河莫極皆無安
赴海誰授矯龍翰自樊漢仙波流水清且瀾救此倒懸
拯塗炭誓師劉旅赫靈斷率茲八百驅十亂登我聖明
由多難長夜杳冥忽云旦

忱威

改擁離言破加
湖元勳建也

忱威授律命蒼兕言薄加湖灌秋水迴瀾節汨汎增雉

爭河接岸掬盈指犯刃嬰戈洞流矢資此威烈齊文軌

兒一作鬼
威一作盛

漢東流

改戰城南言義
師克魯山城也

漢東流江之汭逆徒蜂聚旌旗紛蔽仰震威靈桀高騁

銳至仁解網窮鳥入懷因此龍躍言登泰階

鶴樓峻

改巫山高言平郢
城兵威無敵也

鶴樓峻連翠微因巖設險池永歸脣亾齒懼薄言震耀

靈威凶衆稽顙天不能違金湯無所用功烈長巍巍

昏主恣淫慝

改上陵言東昏政亂武帝起義平
九江姑熟大破朱雀伐罪弔民也

昏主恣淫慝皆曰自昌盛上仁矜億兆誓師爲請命旣

齊丹浦戰又符甲子辰龕難伐有罪伐罪弔斯民悠悠
億萬姓於此覩陽春

石首局

改將進酒言義師平京城仍廢昏定大事也

石首局北墉堦新堞巖東壘峻共表裏遙相鎮矢未飛
鼓方振競銜壁竝輿觀酒池擾象廊震同伐謀兼善陳
闢應和掃煨燼翦庶惡靡餘胤

期運集

改有所思言武帝膺錄受禪德盛化遠也

期運集惟皇膺寶符龍躍清漢渚鳳起方城隅謳歌共
適夏獄訟兩違朱二儀啓嘉祚千載猶旦暮舞蹈流帝

功金玉昭王度

膺一作應方一作南

於穆

改芳樹言大梁闡運君臣和樂休祚方遠也

於穆君臣君臣和以肅關王道定天保樂均靈囿宴同

在鎬前庭懸鼓鍾左右列笙鏞纓佩俯仰有則備禮容

翔振鷺騁羣龍隆周何足擬遠與唐比蹤

前庭一作庭前備一作脩

惟大梁

改上邪言梁德廣運仁化洽也

惟大梁開運受錄膺圖君八極冠帶被五都四海並和

會排闕欵塞無異塗

膺一作應圖一作天君八極一作冠八極一本無冠字

隋凱樂歌辭

三首

述帝德

於穆我后睿哲欽明膺天之命載育羣生開元創曆邁

樂苑 卷二
德垂聲朝宗萬寓祗事百靈煥乎皇道昭哉帝則惠政
滂流仁風四塞淮海未賓江湖背德運籌必勝濯征斯
克八荒霧卷四表雲褰雄圖盛略邁後先前寰區已泰
福祚方延長歌凱樂天子萬年

述諸軍用命

帝德遠覃天維宏布功高雲天聲隆韶濩惟彼海隅未
從王度皇赫斯怒元戎啓路桓桓猛將赳赳英謨攻如
燎髮戰似摧枯救茲塗炭克彼妖逋塵清雨越氣靜三
吳鯨鯢已夷封疆在闢班馬蕭蕭歸旌奕奕雲臺表效
司勳紀績業並山河道固金石

述天下太平

阪泉軒德丹浦堯勳始實以武終乃以文嘉樂聖主大
哉爲君出師命將廓定重氛書軌旣并干戈是戢弘風
設教政成人立禮樂聿興衣裳載緝風雲自美嘉祥爰
集皇皇聖政穆穆神猷牢籠虞夏度越姬劉日月比耀
天地同休永清四海長帝九州

古樂苑卷第十一

終







